



Broj: 17-sl/19-19  
Ilidža, 27.09.2019.godine

OPĆINSKI NAČELNIK

PREDMET: Davanje saglasnosti Općinskog načelnika na  
materijal za sjednicu Općinskog vijeća

U prilogu Vam dostavljamo materijale koji je izradila Stručna služba za poslove Općinskog vijeća kako bi na iste dali svoju saglasnost i to:

- Prijedlog Odluke o posebnim uslovima za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža
- Prijedlog Odluke o o objavljivanju javnog oglasa za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža

DOSTAVLJENO:

1. Naslovu
2. a/a

Materijal za 31 redovnu sjednicu  
Ilidža



SAGLASNOST:

prof.dr. Senaid Memić



PO OVLAŠTENJU  
OPĆINSKOG NAČELNIK  
Azreta Grebović, dipl.pravnik



**Prijedlog**

**ODLUKA  
O OBJAVLJIVANJU JAVNOG OGLASA ZA IMENOVANJE PREDSEDNIKA I DVA ČLANA  
SKUPŠTINE JAVNOG PREDUZEĆA ZA OBAVLJANJE KOMUNALNIH I DRUGIH  
DJELATNOSTI OD JAVNOG INTERESA OPĆINE ILIDŽA**

Nosilac pripreme materijala:  
***Stručna služba za poslove Općinskog vijeća***

Ilidža, septembar 2019.godine





Broj:  
Ilidža,

## **Prijedlog**

Na osnovu člana 8. tačka 1. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13) i člana 3. Odluke o posebnim uslovima za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža broj (\_\_\_\_\_ od \_\_\_\_\_) i člana 28. Statuta općine Ilidža - Prečišćeni tekst („Službene novine Kantona Sarajevo“, broj 33/10, 18/16), Općinsko vijeće Ilidža na \_\_. redovnoj sjednici održanoj dana \_\_\_\_\_ 2019.godine, donijelo je

### **ODLUKU**

#### **O OBJAVLJIVANJU JAVNOG OGLASA ZA IMENOVANJE PREDSJEDNIKA I DVA ČLANA SKUPŠTINE JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA**

#### **I Predmet javnog oglasa**

Ovom Odlukom Općinsko vijeće Ilidža objavljuje javni oglas za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža „ILIDŽA“ Društvo sa ograničenom odgovornošću (u daljem tekstu: Preduzeće).

#### **II Opis pozicije**

Skupština Preduzeća odlučuje o:

- donošenju Statuta Preduzeća i njegovim izmjenama i dopunama,
- raspodijeli godišnje dobiti i pokriću gubitaka,
- povećanju i smanjenju osnovnog kapitala,
- osnivanje novih Preduzeća,
- cijeni komunalnih usluga u skladu sa Zakonom,
- planu poslovanja, investiranju i trajnoj poslovnoj saradnji , odnosno povezivanju sa drugim preduzećima,
- Etičkom kodeksu i Poslovniku Skupštine,
- imenovanju i razriješenju Nadzornog odbora i Odbora za reviziju,
- usvajanju godišnjeg izvještaja Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju,
- o spajanju sa drugim društvima i pripajanju drugih društava Preduzeću,
- o prestanku Preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- promjeni oblika i podjeli Preduzeća,
- naknadama članovima Nadzornog odbora i Odbora za reviziju,
- ostalim pitanjima u skladu sa Zakonom o privrednim društvima i Zakonom o javnim preduzećima i Statutom Preduzeća.



U ime osnivača prava i obaveze vrši Skupština Preduzeća.  
Skupština Preduzeća se sastoji od predsjednika i dva člana.  
Imenovanje predsjednika i članova Skupštine Preduzeća vrši Općinsko vijeće na prijedlog Komisije za izbor, imenovanja i pitanja ravnopravnosti spolova.  
Rad Skupštine Preduzeća reguliše se Poslovníkom o radu Skupštine Preduzeća koji je Skupština Preduzeća dužna usvojiti u roku od 15 dana od dana imenovanja.  
Skupština podnosi Općinskom vijeću lildža izvještaje o radu i poslovanju Preduzeća najmanje jednom godišnje.  
Skupština kod donošenja Statuta Preduzeća i njegovih izmjena i dopuna odluka o povećanju i smanjenju osnovnog kapitala, odluka o pokriću gubitaka, odluka o osnivanju novih društava, kao i odluka o promjeni oblika i podjeli Preduzeća, obavezna je pribaviti saglasnost Općinskog vijeća.

### III Mandat

Imenovanje predsjednika i članova Skupštine Preduzeća vrši se na period od 4 godine, sa mogućnošću ponovnog izbora.  
Predsjednik i članovi Skupštine Preduzeća imaju pravo na nadoknadu za svoj rad koja se utvrđuje odlukom o imenovanju.

### IV Uslovi za pozicije

Kandidati za poziciju predsjednika i člana Skupštine Preduzeća moraju ispunjavati slijedeće opće i posebne uslove.

#### *Opći uslovi:*

- a) da je državljanin Bosne i Hercegovine (dokaz: uvjerenje o državljanstvu)
- b) da je stariji od 18 godina
- c) da nije osuđivan za krivično djelo i za privredni prijestup nespojiv sa dužnošću u Skupštini, 5 godina od dana pravosnažnosti presude, isključujući vrijeme zatvorske kazne i da se protiv njega ne vodi krivični postupak (dokaz: izjava potpisana i ovjerena od strane nadležnog općinskog organa),
- d) da nije otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja ovih upražnjenih pozicija (dokaz: izjava potpisana i ovjerena od strane nadležnog općinskog organa),
- e) da se na kandidata ne odnosi član IX tačka 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- f) da nije izabrani zvaničnik, nosilac izvršnih funkcija ili savjetnik ili u smislu odredaba Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08) (dokaz: izjava potpisana i ovjerena od strane nadležnog općinskog organa).

#### *Posebni uslovi:*

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: univerzitetska diploma ili uvjerenje o diplomiranju)
- b) da ima najmanje tri godine staža u struci (dokaz: potvrda ili uvjerenje)
- c) da posjeduje znanja i sposobnosti razumjevanja poslovnih izvještaja i poznavanja propisa iz oblasti poslovanja privrednih društava (dokaz: izjava potpisana i ovjerena od strane općinskog organa)



- d) da nema privatni finansijski interes u preduzeću (dokaz: izjava potpisana i ovjerena od strane nadležnog općinskog organa)

## V Obrazac prijave

Kandidati su dužni na propisanom obrascu prijave, koji je sastavni dio ove odluke, priložiti original dokumente ili ovjerene kopije dokumenata, koji su dokaz o ispunjavanju općih i posebnih uslova traženih ovim oglasom.

Obrazac prijave kandidati mogu podići u zgradi Općine Ilidža, Centar za pružanje usluga građanima općine Ilidža, ulica Butmirska cesta broj 12, kao i na WEB stranici Općine [www.opcinailidza.ba](http://www.opcinailidza.ba).

## VI Objavljivanje i rok za podnošenje prijava

Ovaj javni oglas objavit će se u „Službenim novinama Federacije Bosne i Hercegovine“, Dnevnom listu „Oslobođenje“ i WEB stranici Općine Ilidža.

Rok za podnošenje prijava je 15 dana od dana posljednjeg objavljivanja.

## VII Dostava prijava

Prijave sa potrebnom dokumentacijom mogu se dostaviti u zatvorenoj koverti neposredno putem Centra za pružanje usluga građanima općine Ilidža ili preporučeno poštom na adresu:

**„OPĆINA ILIDŽA – OPĆINSKO VIJEĆE ILIDŽA – KOMISIJA ZA IZBOR, IMENOVANJA I PITANJA RAVNOPRAVNOSTI SPOLOVA, ulica Butmirska cesta broj 12, Ilidža uz naznaku:**

**„Prijava na javni oglas za imenovanje predsjednika i dva člana Skupštine JP „ILIDŽA“ d.o.o – NE OTVARATI“.**

Neblagovremene i nepotpune prijave neće se uzeti u razmatranje.

## VIII Nadležnost Komisije za izbor, imenovanja i pitanja ravnopravnosti spolova

Zadužuje se Komisija za izbor, imenovanja i pitanja ravnopravnosti spolova da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede navedenim Zakonom propisanu proceduru po ovom javnom oglasu i dostavi Općinskom vijeću prijedlog za imenovanje predsjednika i dva člana Skupštine Javnog preduzeća „ILIDŽA“ d.o.o.

## IX Ostale napomene

Sa kandidatima koji ispunjavaju uslove ovog javnog oglasa Komisija za izbor, imenovanja i pitanja ravnopravnosti spolova će obaviti intervju i na intervju kandidati su **dužni donijeti na uvid ličnu kartu.**

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se popunjavaju neposredno prije intervjua.



Prijave i dokumentacija se neće vraćati kandidatima koji su aplicirali na ovaj javni oglas.

Kandidat koji bude imenovan na jednu od navedenih pozicija po ovom javnom oglasu, dužan je pribaviti uvjerenje nadležnog suda da nije osuđivan za krivično djelo i za privredni prestup 5 godina od dana pravosnažnosti presude, isključujući vrijeme zatvorske kazne kao i uvjerenje nadležnog MUP-a o nekažnjavanju i isto dostaviti Upravi Javnog preduzeća „ILIDŽA“ d.o.o.

Lični podaci o učesnicima ovog javnog oglasa su tajni i mogu se prikupljati i obrađivati samo u skladu sa odredbama Zakona o zaštiti ličnih podataka („Službeni glasnik BiH“, broj 49/06, 76/11, 89/11).

PREDSJEDAVAJUĆI

**Muhamed Omerović**





## Obrazloženje

Članom 8. Zakona o ministarskim, vladinim i drugim imenovanjima je propisano da nakon što su odobreni kriteriji za imenovanje, oglas za upražnjene pozicije se obavezno mora objaviti na najefikasniji mogući način. Članom 3. Odluke o posebnim uslovima za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža, je propisano da će Općinsko vijeće donijeti Odluku o objavljivanju javnog oglasa za imenovanje predsjednika i dva člana Skupštine preduzeća.

Prijedlog navedene Odluke sadrži sve elemente propisane naprijed federalnim zakonom i to opis pozicije, opće i posebne uslove, trajanje mandata, spisak potrebne dokumentacije, objavljivanje i rok za podnošenje prijave, kao i tipski obrazac prijave za kandidate, koji će biti dostupan na web stranici općine, a moći će se podići i u zgradi općine Ilidža - Centar za pružanje usluga građanima.

Stručna služba za poslova Općinskog vijeća kao nosilac izrade predlaže da Vijeće ovu Odluku donese u predloženom tekstu.

